

西浙泉厓邵先生文集

西浙泉厓邵先生文集卷之五

成都門人對厓周孔徒校并梓

履軒銘

予履伊何維德之基維基之積一簣以坯其坯曷已九  
仞攸跂君子履之忠信其址匪德之由如履薄冰曷維  
其亡憂心兢兢 予履伊何維義之路大道之歸斯予  
跬步往來行焉維日駸駸駸駸不已精焉入神匪義之  
從如履虎尾憂心京京曷維其已

崇景堂鐘鼓銘

鐸音未湛磬聲未湮金以宣之永觀厥成寥寥千言文

其在茲鏗而鉤而奮彼遐思其思伊何羨墻如見神其  
格矣一唱三嘆樂有八音華以主之旒綬維節升降  
以峇闐然其聲鏗乎其應君子鼓之思罔弗正聖神在  
上於昭于天斯道之崇百千萬年

龍殿四銘

爾跂爾立爾形孔直爾充爾容爾度則弘相風布武繚  
翼之觀無槌爾基以爲民禪

銘堂

弗黷爾面名氏誰辯弗秘爾身取舍由人機伏於動善  
藏其用鬼神斯從千古之公

石銘籤

爾籌爾出無籌爾入籌入者愒時司之盤我其釐之

民之私籌既戢矣國用飭矣

右銘籌

爾惟公平民莫汝爭爾惟正直物乃作則爾心不爽如  
指諸掌爾衡之懸悠悠蒼天

右銘衡

山厰鐘銘

鼓以鼓動金以禁止歛明啓蒙群生終始司衡挈壺莫  
測其幾景陽弗爽上谷是依有鯨者音有龍斯首聲至  
百八象匪用九昏旦有候動靜以時於千萬年王度孔熙

壽親十二銘

南山之石龍筋鳳章元壽之徵崇褒之祥

石屏銘

先天地靈後天地久鐵杖玉簫同登上壽

仙燈銘

封極三台階聯七桂百千萬年常此如意  
如意銘

海上有屋靈光燭天籌添一紀鶴引千年  
畫扇銘

睇彼瀛壺注茲玄漿酌言獻之萬年無疆  
壺銘

無疆之笑被之我親不盡之福遺之子孫  
孟銘

上有所受下有所承酌言獻之爲嗣爲陵  
琖盤銘

龍極用九虎變從三壽考文章巍乎煥然  
虎文銘

有聲之圖無心之感萬里星馳百年蓬轉  
錦幃銘

親恩罔極士心易孚銘言載揚以寫我愚  
綳帙銘

有雀在林衣被用章尾長孔華冠高孔揚  
雀袍銘

有帶一圍金玉其相五四同封地天與長  
金束銘

亡友蔣文煥先生墓誌銘

嗚呼悲哉余友蔣文煥以疾卒于嘉靖丙戌六月十四日余方媿以文薦旅寓京師惓惓焉若恒居肆緘辭無靳廼秋以母孺人之戚復聆余友訃痛無涯已及歸撫櫬而哭之哀其父逸省公以明年丁亥十二月十八日柩櫬于西山九里松之原距生弘治丙辰正月三日春秋三十一易先是仲子凱與余及文煥髫年嗣今一志同業行復相許可至是次第其狀介余銘余惟友者久也索焉中道曷堪此慘雖然無以暴之泯矣廼投淚書之文煥名應壁世蔣氏其先汴人有諱勉者宋天章閣

侍制扈蹕南渡始家錢塘五世祖諱君美以子禮部侍  
侍郎公驥貴封左春坊司直郎自是簪笏相望爲杭大  
宗曾祖斌姐錡登戊子鄉薦父濬即逸省少孤娶于質  
菴陸公仲女質菴出守澤州逸省篤甥誼公因致于家  
室焉文煥生慧敏嗣長受質菴公誨與今江西叅議平  
埜公溥爲內外兄弟得相刮磨授以易淵源之學與如  
也攜之遊京師載歲得盡公卿間所見聞益廣詢之退  
然若無也惟二三同游肯借商訂古今意緒無適而中  
寔有斷間發一言則要簡確至莫可雌黃是多奇之乙  
亥補郡弟子員尋餼之廩郡士唯唯卓越相屬罔敢易

與之齒文煥益惴惴恒恐違親以後質菴之訓學成行  
修德日以萃二三宗工晉儔于鄉若宗伯五清劉公尤  
器之比三舉義興禮核士望攸繫斬然頭角爲國之良  
若祖未竟之休子克肇之可式也數竒命室而迄無成  
功嗚呼悲哉或者曰天道與善文煥非善人歟居常詡  
詡不事侈靡采不重襲腴無兼味螫蟲不殺故札不廢  
怒無頽頽喜無諛詞無嘲無虐無伐無傲無嫌于飲無  
荒于嬉久而益親故卒之日無少長咸哀之嗚呼悲哉  
頽回好學卒以歿終文煥之殞尚不逮回天乎何居或  
者又曰仁者昌後文煥非仁者歟父母俱存鮮有兄弟



踽踽閔念未嘗頃刻離親側廼以無嗣卒何報之若是  
耶豈福善之杳而禍淫之忒耶胡文義勞于心志行珍  
于人不惟虛其直而欲其昆耶抑修短有數豐悴有時  
而不可常者耶是不可以理而喻也既逝厥配姚方植  
腹余幸酹酒相祝越三月乃鞠女廼慶一脉如綫宗統  
之計尚冀千尊君念此痛甚鼓掌交割平壘適以使事  
歸胥太息而爲之銘曰蔣氏望宗天眷其衷世歟其公  
廼及文煥此邦之彥考德勿薦哲人斯萎靡或子遺  
不之悲泉臺冥冥不壽其身而壽其親爾生不后爾  
則悉惟爾之佐草露溥而松風淒其肩此銘碑

徵士淮川張先生并妻王氏合葬墓誌銘

嘉靖己丑冬十月日淮川張先生卒于清江里厥子潢  
肄業南雍計聞端歸襲司徒尚書郎胡君某狀余銘余  
乞余繹之曰誌識也識厥終始以昭顯也銘名也匪懿  
與淑莫與名也先生可名者乎先生張氏名雍字堯化  
弘治時以壁經發策南畿未就正德初復以經明行修  
辟入逮補尋乞終養又弗就踰十年以厥考檜泉養終  
焉定迹深棲終老弗起鄉人賢之稱曰淮川先生據生  
正統己巳正月日春秋八十有一妻王氏少三齡是月  
日踵卒潢將以次年月日合窆焉欷歔悲哉菁華塵埃

芳馨草墊不其惜乎廼衍而爲之銘曰列彼淮川有浚  
者源平章元慶干崑肇傳德澤景儀維曾維祖廼僑于  
京廼甸于楚考素耀德曰惟檜泉河陰襲愛淮上祠賢  
爰及邵氏淮川是姪鞠而捐而千古遺恨繼趙再捐感  
今懷先泗堙尤土慟徹重泉藩侯纂言太史紀錄芝生  
兔馴奇徵高躅英英淮川燁燁其雋摘藻飛葩流潤點  
綸黼藝啓奧測彖考玄蒼蒼詁詁奇汲冢超禪謨典旨微  
三試南畿孝殷仕弛吾道臯比教皇初祀公弓下士  
匪經弗庸匪行弗序惟淮守楊淮川是徵隱約以閑遷  
延來征宰臣明銓策我淮川弘詞有作國士無先柱史

再核擢用以日松菊蒿萊李桃荆棘長卿之肺黔婁免  
官孝惟義養祿以引恬鵠羽懇情考槃注念春煦秋暉  
朝熹夕覲灌畦匪拙緯蕭匪勞曷飲于鄉曷冠于朝櫓  
泉宴世戚莫與浹爨弗析姑祔可共敝應詔著吟歸省  
陳編空谷淪淪白駒珊珊樹桂有芳松筠無實惜也  
淮川投老巖石彼仇者王惟德之行偕老允言匪曰未  
亡題奏攸戒龜筮既辰庭撤兩奠旌引凌輜有子曰黃  
有孫曰果陳旆沈常二女是裸清口崇崇龍岡盤盤槐  
風松露局此銘鑄

南洲傳處士墓誌銘

淮南洲處士卜窆有日先時鄉進士相子棟狀厥行厥  
子疇暨甥士沈子鑄請銘于余余難之久之二子請益  
力余無以復翊日沈子坤領南畿薦歸余拜余叩曰坤  
第舅氏傳托銘于先生而先生久之者其以韋賤弗可  
動我大君子立言乎曰非也甚哉君子立言之難也行  
弗孚弗足以殫辭誌弗核弗足以彰信銘弗律弗足以  
昭遠是故惟締斯孚惟習斯核惟紀斯律厥有徵也曷  
難焉匪聞曷敦胡誌胡銘君子所以慎言也坤曰其其  
第厥厥士行孝友若處士某見亦罕矣他諸禕穀狀于  
相子者曷弗辱于名言也先生其圖之余唯唯始復處

士狀以誌處士諱昇字騰霄號南洲厥先天賚殷弼系  
于世帝授衛尉藉于戎祖僑江北家于淮而瑄廼祖也  
父榮毋何生子二處士爲之伯髡穎而薺弗玩而岐于  
凡兒比驕貫從厥父旅游冠卽屬以家務家食十百拮  
處士理之井如也拮据日殷嬪業裕蠱遂弗克橫經以  
顯厥世時祖壽卿八十餘滌醴甘飴惟意先父語人曰  
吾子能代吾君以養吾父且克樹立吾可無憾矣歲庚  
辰祖壽卿歿毀瘠踰禮自是染疴家食趾弗卽里廛者  
四年而茂與生理乃舉千金畀之弟昂俾客南北而昂  
橐日贍賈益三倍弗計也課子疇以儒而弗聞以家政

俾得緩帶干學宇昂子田如已子恒戒其家俠恪有伏  
波風旨施襪以周貧死曰吾弗忍渠委而哀也治梁以  
濟渡曰吾弗忍諸徒涉也募津人出閘下之石曰吾弗  
忍爲艘青也築閘橋隄許以防水之衝曰吾弗忍堽厓  
沮洳而俾車徒者弗良于行也淮水瀕涇粒食無土曰  
吾寧斥吾粟以賑吾淮無忍吾鄉之民之委于壑也既  
艾廼日洽賓罔訊人間事容與衍衍驪歌謔飲自擬之  
無懷葛天詎知二豎之告亟哉君子曰孝友順也聚首  
順以事君親可以推忠矣愛已之子以及人之子慈也  
施由親始可以使衆矣施予而賑給之惠也惠不知政

君子病焉脩梁治道可以言政矣惜也弗由于學也弗能擴天真之良而僅足於一行一事之美也已或者有竢于疇子之庸以究所施乎娶于楊子即疇女三韓文金濟沈鑄其甥也孫子二末年延年女一聘于謝生成化丙申月日卒嘉靖庚寅月日得年五十有五葬以嘉靖辛卯十月日墓在淮菊花溝之原附祖兆也銘曰遺行之真弗諷弗詢疇咨云評國士之衡侯直侯明爲世之平士論并矣銘言徵矣九原可生矣

月江王君墓碣銘

嗚呼此月江碣墓之石也月江歿之明年戊戌余以大



峰先大夫喪奔自西川遂爲之吊宿惟交好思一有言  
又明年己亥厥子恩若惠持月江自述暨梓樓王子鏜  
狀乞銘墓石余方治塋山中弗逮與言又明年庚子余  
弟經世爲子虞生聘月江女孫爲之配載惟姻締忍終  
弗汝言耶第弗良于言心益耿耿耳月江姓王氏諱鑑  
字克明恒寄跡高江煙月間心平且明人多稱之曰月  
江因自號焉月江幼窈弗任壯日穎異矢自負曰人不  
能明經舉舉子業則當服大賈以充斥財賦安能落莫  
重孤此生即特立邁種日益興發方艘巨艦絡繹于吳  
江泖水者蔑可數也綱之紀之諸賈推服性孝友父進

以縣受理于獄病且死月江入禁侍藥食周旋得不  
死諸父通不事生理落魄江湖間月江出必禱禱之必  
虔乃遇諸嘉禾端平橋抱持聽且泣觀者如堵咸云孝  
感如此欽第少失配再妻以宗之錢第無恒業輸粟以  
掾之歿則殯之葬之女與歸貲奩女若也尤嚴于教子  
子恩服賈曰汝弗利厥圉固弗厚汝生汝弗竟汝儒業  
而義利之說獨弗汝聞義而利可利而弗義弗可故曰  
罔利速賤蒞利生孽汝其思之于惠服官曰汝毋卑汝  
官汝思服官之艱庶不曠且諫如弗汝諳汝盍歸吾乃  
安即乞休終養幹蠱與偕攸用譽誠以與人無阿私人

多諒其悃悞有疑者就之裁焚難者就之平亦無佞言  
諛容至通有無重信義則䟽戚又暫相與如一性不飲  
常腆穀核以延鄉士君子恒父弗替先大夫逮余昆弟  
尤辱推與姻好之締有自也晚年築園灌畦以供賓客  
脩梁治道以利車從施棹給粟以周貧死其親賢善施  
大都如此初奉例拜散官未始褒傳冠帶靡麗自侈曰  
思以風吾後也生於成化戊子十二月日享年七十而  
歿爲嘉靖丁酉十月四日配李子男二長即恩次即惠  
女二孫男三恩等先以庚子二月日塋于丁家山之陽  
繫余少肯梓樓爲月江從第受詩于先大夫余與梓樓

執經臨業已諗月江之行嘗曰月江不由問學其作用  
偶合諸理其中古淳龐之風猶未泯與今未越三千載  
往往智巧儉壬亦爾成家殆不可月江比倫也乃拭碣  
而爲之銘曰爾維不類用光先世爾維含真佑啓後人  
倚玉之侈占我猶子月江于是乎不死

龍江應公墓誌銘

嗚呼胡善人之弗克末世耶亦胡俾善人弗延厥嗣耶  
彼昭者天人難謀斯然弗嗣允嗣雖死弗死者善人知  
人之明擇配之良嚴迪周誨視夫甥猶子也厥甥北松  
子式服善人之誨乃底于成登薦于杭嗣陟進士顯名

于朝用光我善人榮及元配惟應之休既而執令章  
丘三載考最北崧子封上本生用鮮推恩外舅之例乃  
斥俸內七品級以榮之其視善人未始不猶父也余季  
第經訓亦屬館下咸育于應是或一脉之延死弗朽矣  
天果難諶哉按浙選士九疑朱子孫炎狀公諱孟暄字  
德輝號龍江其先汴人扈蹕南渡初僑于江之許因號  
龍江大父桂芳富甲千里充萬石長以詩文名世父文  
哲敦厖純固有古愿慈風毋嚴生四子長孟昭孟暄孟  
暄公最少少即矢志強立百爾經運遠近應接响然  
無疾言偃容人多諒其悃悃樂與之處公則張皇而高

始克生理日益饒裕二親安之以終餘年初育子七步  
授章句諸書輒成誦公曰興吾門者此兒也不圖九齡  
尋以疾夭哭之慟腐心莫或自解捐江滸舊業委諸兒  
弗少計貧民貸者焚券蠲之徙入城市遘北松子注目  
知偉器也妻之女而氏以仍之公之心可想矣北松登  
秩公謝人間事與鄉大夫結社湖山間容容與與有香  
山竹林風味先大夫大峰翁亦與焉因訂季第之好第  
惜無以副公也公以成化乙未十一月念九日生卒于  
嘉靖壬寅九月十七日享年六十八娶錢氏子男一即  
先天者女二玉鸞配即北松兵部職方主事吳應奎玉

鳳卽余弟經訓配外孫男二殆公如綫之脉乎奎等將  
以年月日塋于某山之原嗚呼應氏世德之長乃告之  
于龍江諸昆之世天祐善人果如是耶意者坤祚之發  
祥有以光應氏百代之靈善人之報未可誣也銘曰古  
稱善人百年後興尹誰云徵應氏之先扈宋南遷于江  
之埏龍江肇生樂善則榮闈闈之英猗與北崧新安是  
宗泰嶽是崇于校于杭應氏用昌躋彼  朝堂辟則文  
梓附枝而起棟梁之倅辟則鳳雛孕化而都翩然帝梧  
一命之膺龍光是承報德曷勝啓彼新阡銘此瑤鑄於  
千萬年

敕封安人沈母徐氏墓誌銘

余少學詩首二南得樛木螽斯江沱小星諸篇讀之以  
后妃夫人不妬忌而子姓衆多爲正家之始未嘗不掩  
卷嘆曰婦性多妬不妬者賢而難其人乎故詩表出以  
風天下嗚呼孰有賢如我先宜人者哉海昌秋官尚書  
郎南泉子狀母安人懿行介星橋周子子孝屬余誌諸  
墓余切感安人之賢易其所難者按狀安人徐姓父北  
溪翁璋海昌著姓也母陳生安人于廻塘幼端慧寡言  
笑父母鍾愛之及笄歸封刑部主事涓川翁涇柔順  
有禮翁主壘夙承幹蠱安人屏諸服飾以服內政力田



治生操井臼以饗以饁夜分治絲枲無間寒暑克用裕  
渭川爲萬戶長以事訟之官安人總攝家政井井渭川  
雅好客客至命酒饌安人治具豐潔適渭川意先是安  
人已立子日謂渭川曰君家政孔殷重以宗子必廣嗣  
以承宗枋然弗妾是畜弗可獲禮娶于凌晨昏怡怡與  
共甘苦子育而凌殞安人哭之哀撫其子昔其服食不  
殊所生弗踰年復謂渭川曰君畜妾而妾安于主饋今  
逝矣妾鮮有翊持柰之何更娶審氏猶夫凌撫二女猶  
夫凌子也舅樂耕翁逮老壽姑王性稍嚴安人孝敬備  
至食得珍味輒進舅姑舅姑亦急之稱孝婦云翁卒佐

渭川治喪不愆于禮歲享必躬弗妾是屬曰爾非弗敬而敬尸諸我也姑逾孝事之彌謹未始一日弗得其驩夫弟狎鷗君汀被誣罹殊死獄安人整脫簪珥拯之直之官以白所誣知者未嘗不賢安人也渭川延師教子贊幣燕款安人勤女紅以需弗逮中子友儒魁丁酉榜戊戌連第進士官刑部廣東司有聲諸克樹立登庸有期安人推轂之力居多御諸婦恩至下逮臧獲姻里間問遺禮必腆宴者周之弗少恠性弗嗜佛有誑以浮屠事者正色卻之曰我心仁孝必弗罹諸苦楚也自奉儉約韋布再澣尚服御之歲癸卯以友儒貴覃恩受勅

封安人歲朝則御命服冠帔儼如也恒以忠孝勤儉迪諸子逮至彌留益復諄切真可謂秉德執禮終始弗渝者矣據生成化丁未四月三十日卒于嘉靖戊申七月三日享年六十有二子男四長友仁邑庠生友倫即凌出友儒即秋官郎友佳亦庠生女三孫男五大韶大奇大謨餘幼女一墓在茶湖之澔塋之日歲己酉十二月壬寅也銘曰緊婦之良弗妬斯昌敦彼義方緊母之臧鳳勅鸞章休有烈光茶湖之陽以永斯藏

玉泉鄭處士墓碣銘

往君子云友誼之敦也良哉研德簡藝歲善砭惡俾罔

或愆于彝圖也而休戚慶吊亦罔弗關友誼之敦也良  
哉歲前余率余兒棠襲余室人張棠聯業鄭子重輩爲  
奠室人文誠而禮殷余德之厥明鄭子以父訃聞余兒  
皇皇有弗釋然者猶鄭之爲戚于棠也今年春鄭子持  
庠彥許子恩狀乞銘墓上之石余忍辭耶按狀處士諱  
魁字文光別號玉泉漢康成七二代孫也世系江右  
之洪州有若大司馬伯元公光祿勳國器公之仕于唐  
大理卿安祥公之仕于五代觀察使文昌公之仕于宋  
簪組聯絡載在譜牒者可考也迄今世良公以樂清令  
眷愛芝邑山水遂命子演家于青田著十訓以貳乃后

作祖于浙祖塋。皇明徵士父緣從事浙藩爰籍仁和  
毋陳以成化丁未九月十三日生處士處士生而穎異  
甫弱冠篤于親季父京府迪功郎無嗣而卒奔涉千里  
輿觀以歸有所蓄輒孫諸族黨曰吾弗以勞瘁之故而  
爲貨取也長性益寬平事繼母以孝處鄉曲以和人有  
以金誣君者弗卽殫力償之曰無使直不疑之得顯美  
也事竟白夜恒焚香祝天願聖皇萬壽海宇寧謐曰  
吾何幸得爲太平遺黎也尤嚴于教子日語重曰汝惟  
忌于學紹厥祖脩厥用光于先世以贖汝父弗學之愆  
無玩愒日月而益余過也語直曰汝惟幹蠱克勤乃力

用乃攸裕尚有俾于汝兄無爲家食計俾得肆志于學  
以底于成豈特適我願焉亦汝職也勗哉其誠篤類如  
此重補邑庠生方蜚聲黉院可望顯揚以膺褒錫之光  
者天胡奪之速而溢爾長逝耶可悲也已享年六十四  
歿爲嘉靖庚戌十二月四日配朱子男二長即重娶胡  
氏次即直娶范氏女二適林宣胡忠達孫女二重以辛  
亥年月日卜塋于高麗山之原於平若處士可謂天性  
淳龐不假學業而終身越歷偶合於道者是可以不銘  
銘曰有王者泉不洗自潔抱璞守貞性天澄徹派衍浙  
東芝邑花封滂厥仙源爲漢儒宗源泉孔長澤流斯溥

爲江爲河膏液下土爰有神魚時潛在淵俟彼春雷一躍九天 雙闕風高五雲日近潮海沾恩際此昌運胡不憖遺忽爾仙游曷云其還而乃夷猶勒此貞珉以發新瑩百世其藏過者展敬

貞壽費母富氏墓誌銘

於乎貞烈天地之正氣乎烈以死殉貞以節持死殉于倉皇奄忽之時節持于零丁孤苦之久其辛楚更有別矣此余于費子蒙狀大母貞行之委不能不感而重爲之悲也按狀母富姓諱淑祥仁和太平里人父麒母金氏一索得母諸弟后所生母長且慧鍾父母愛者及笄

配錢塘費用安結禍僅五越寒燠遂失所天年方二十  
九子五歲女三齡稚甫踰月提攜懷抱蹇蹇屯邙嗷然  
靡依父憐之憐其莫可生活也議移所天母呼天而號  
矢心而言曰噫吁戲我固莫可生活也誰生活子若女  
哉卒莫可奪而議就寢自是洗粧卸珥縞素自安雖平  
居食飲之常亦莫令人覘視周防中外黽勉支持力孝  
于翁喪恪循禮教誨式穀昏嫁以昔子漸克家日就饒  
裕方圖食報而遽殞家君母慟且自解曰我昨不死寔  
繇我子我子胡不后我死而今死矣胡及速我以死耶  
拭淚解頤乃得不死君子曰是可以觀母矣余第經世



寔妻母女母之貞行耿余心曲上年癸丑母屆八旬余  
憮然曰母之稱未亡人者半百餘雪夜寒燈霜天苦月  
短檠長抱荏冉年華是可以崇獎也已乃矢言于司牧  
文貞亭氏貞亭檄諸校核諸里人不浮也爰勒扁載師  
陳幣張旗鼓于門風之君子曰是可以觀政矣今年外  
警靡戢遐邇驛驛第與婦心皇皇焉敕男虞生寔母之  
甥力昇母于家食養甫及旬母壽終焉棺殮攸飭殯寢  
有儀第之婦敦孝之念不其少慰矣夫距生成化甲午  
十一月十九日卒于嘉靖乙卯正月十八日享年八十  
二歲子男二長鏞先十年卒者娶郭氏次某嗣用賢亦

卒女即妻經世者孫男即蒙娶朱氏孫女二宜德宜蘭  
孫男初泉聘惠氏用安先公贅施氏寔于施從父兆也  
蒙將以年月日塋毋于南山之新阡於乎世有讀書明  
理不克秉節效貞甘心大菴不有愧于若毋也耶是宜  
銘銘曰誰謂無儀貞節是持之死靡他柏舟倚毗茲其  
爲百代之規也噫

西浙泉厓邵先生文集卷之六

華陽門人聚菴于德昌梓

雙流門人龍潭劉世魁校

祭岳鄂武穆王文

辛巳年諸生曹作

於虜天平果有意于王之生乎而昇以文武之懿忠孝  
之貞乎胡不監夫王之心乎而俾年不逮四十功委之  
於垂成乎意者王之生死成廢爲之偶然而蒼蒼者無  
情夢夢者無神乎於虜天平曾謂臣之亡身殉國者不  
敗於虜而敗於君乎而虜之頓絕幾滅者復首慶幸而  
氣爲之伸乎此予所以痛惋雪涕不容不籲天以云云

也於虜天乎昔唐巡遠守死睢陽三日援至十日賊亡  
蓋天以完節付之無庸留生而後光鄉使王殄滅之志  
就恢復之功成輝旂常昭竹帛衣被當世之顯名固也  
疇克俾百世之下憤激愴烈於人心者似是之真也蓋  
天所以大王之忠完王之節而賊檜者烏足以厄乎之  
身哉於虜天乎功德報崇王祀萬世之無盡者又豈不  
幸之幸也雖然緊豈宋之幸也哉抑豈王之情哉信天  
意之所在亦 朝家胥是以勸忠也於虜天乎

作崇景堂祀神文

神以司土土以宅神則凡有事于土者不可不告于神

以祈祐也豈祈之福而徼以倖哉福不可以妄圖倖不可以苟致祈以祐者公私上下安爾已雖然安者福之基而修者吉之所也予欲有事于土而可不祈于神哉清江之浦蔑有先師夫子堂宇以信景仰之懷其作之也亦因地之隙亭之逸而從葺焉匪勞而傷匪玩而亟也直欲少憩先師之神靈而識予崇景之微臆云爾若或假此以市名或藉此以媒利神有昭昭之鑒則當禍予之身不得以祈而祐之也敢告

崇景堂祀先師夫子文

聖師之祀必于學宮禮也古之道也茲不于學而于署

者義之起也匪慝之從也故曰崇德報功治之先反經合禮祀之正君子不泥諸古而惟義之從有以哉清江之浦墳衍一隅去郡縣之治南北各越三十里其以未學謬承分署仰切 聖師之道而茫無所依焉嗚呼仰之者心弗心胡云依之者神弗神胡因匪神曷心曰恒是存乃建崇景之堂于部署之左固知牆卑室淺不足以昭吾道之高深而展祀妥靈以開一方之文運或者有疋于茲乎尊瞻與之無窮矣

蒞任祀土穀神文

明有人心幽有鬼神人心之所否者鬼神之所不與也

吉凶禍福兆于茲若所以扶綱常立世教衛名節維  
人心者又君子之所以必至則亦何以神爲哉蓋惟哲人  
知幾守貞惟愚不知式昧以昏衆人懵懵屬相于神神  
何疑焉某以筮仕職署乃司司彼漕艦神其相之如何  
而心無不協如何而理無不審如何而入無不明如何  
而出無不準如何而人不告愆如何而事不稱病訕無  
繁興職斯易稱百爾所屬神其相焉虔設牲醪特與神  
誓敢有敗政奸貪神其殛之毋殃而民毋病而國於  
昭有鑒是用式告

修厥祀神文

部之有廠敞也敞大其規以出政也有堂有寢有亭有翼有廟有庫垣以翰之門以限之楔以殿之所以肅威嚴安神貺崇漕治儲材料之所也而可圯而弗之葺乎圯者新之吡也葺者覆之友也泣茲任者胥知所先而弗之急焉匪昧與荒也虞勞于民虞費于財虞權于嫌覆也臣某奉若 明命督漕于茲遵故典而茲泣焉淮之誠是也而風雨弗除傾覆以日余心皇皇乃罔攸恤爰鳩治船之匠以程其工後曠聞之夫以需其力集委劑之財以資其費入逋稅之粟以食其勞弗貲于官弗征于民弗括羨財弗食票糧嫌遠而功舉矣于茲告成



是用報饗於昭有靈鑒我明水

南署土神祝文

署必有神以司署也而署之興廢占于茲舊矣衛河之  
許建有行署以轄軍匠給漕艘嚴師之防以司餉也餉  
國之大計而可無專司哉昔賢歟厥皇制刊其官銷  
其篆黜冗省費匪無見也而署事就隳識者病之署治  
尚飭而弗墮者神之殿衛禦捍之功爲多某若天  
命分攝乃司實賴神休翊我不逮今茲仲秋禮應報享  
敬修牲醴用申虔告

清源土廠後堂上梁文

部以涖官厥以出政必弘其基而後可以儲蓄必峻其  
宇而後可以臨涖必崇其垣而後可以防禦否則曷克  
裕材料以足國用哉清泉之部之有上厥昉于嘉靖十  
年先部使劉西林守良之所朔所謂弘其基峻其宇崇  
其垣者是也甫落成即以代還直壘其寢焉無以爲寅  
賓退食之所今年春某奉 明勅紹厥署事非才涼德  
日涖茲厥矚其壘而莫之措也爰自誦曰予眎先人之  
舊弗能拓所未逮其亦弘其識峻其行崇其節弗漁而  
衡弗苛而平平于肯商審其其樂予之衡而平也奮起  
聚貲庀財鳩工諏日啓土始葺于予予義之欲靳而莫

之斬也洎今吉辰載潔牲醴敢告神煞庸慶拋梁東  
仁壽宮高天宇同自是 聖皇純孝治九龍唧 勅下  
臣工西紫闕彤墀望不迷砌得根基常鞏固此功應與  
棟梁齊南祥雲擁日上寒潭夜半金雞催曉發龍精錯  
認夜珠探北弘開厥治誰之力我今勉作退食堂千古  
羔羊思正直北彩虹高跨三千丈何肯霖雨洗塵煩四  
海蒼生皆仰望南白壁黃金無定價沙泥汰盡見真純  
瓦礫千年成大冶伏願上梁之後厥治安而人心悅  
輒料足而民用舒無遑寢食之安益謹規爲之節

中厰落成文

天下之利存乎報天下之義存乎感感而後有作不感  
不足以示人心之公欲其歡欣鼓舞趨事赴功不可得  
也報而後有成不報不足以會神貺之休而欲其祐翊  
禦捍陰隲冥冥不可得也故曰感人心而天下和平天  
曰報者天下之利中厥之廢久矣墟其墳而不竟其舊  
者其幾乎其奉若 明命董茲厥署于今十越月矣絛  
其慮不感其意剔其蠹不仍其盤執其度不漁其費有  
事于厥者感焉感則通通則起義而作興之此厥之所  
由建也啓土于是年九月三日落成于十月之晦而堂  
廟有容寢翼有揚門楔有言繚武有章神其相之三方

無犯七煞不干六神攸奠五土咸安神其祐之謹具牲醴以報以祀翊我厥司百千萬世

築易厰城告文

城以盛民厰以散治匪民曷庸匪城曷竦單厥有官孰惟其勩我明文皇嗣都燕冀煙燹日需採辦攸寄萃彼薪蒸城滿徙易彼先哲人相基宅地峻嶒千尋森鱗百雉百五十年國用乃濟云何歲深隍湮堞圯外侮靡防民心攸悸弗簣胡崇弗圉胡衛彌今吉辰啓土以事百神是依三方無忌地險丘陵百千萬世

興賢移文

據易州申稱儒學生員楊蒞等若干名應試者切以  
上國程材式備榷楠之選群英入彀敢塵桃李之私聿  
觀盛際之文明足慰隆冬之燈火茲者歲當大比詔發  
賢科一札星馳八方雷動聖天子以圖治爲急良主  
司謂得人爲難詞章收錯槩之能華實驗經綸之學百  
凡執事宜槩作興矧當職如志于斯文而多士往承乎  
來學豹依形于山館窺見一斑鵬養翮于天池吹噓萬  
里預兆騰鳴之饗同升鶚薦之名黃金臺上十二人志  
每先于郭隗白玉階前三百輩名肯後于平津羊角扶  
搖早起秋風之便龍頭變化無忘北海之知

守蜀祈雨告城隍文

仁萬物者天之神潤萬物者雨之化雨焉非肯萬物稿  
喪民用鮮食忍孰甚焉忍而不仁神必不享不享胡聰  
不忍胡從可以占矣西川古稱沃野而今瀕歲告饑民  
不堪命豈直地之利不利哉天降肯雨而土脉奮興是  
地者藉天之休而神者民之司命也司民之命可忍民  
之死而弗之救哉今年春深迨入初夏雨澤肯沛禾黍  
被野某自慶曰可以十年矣繼而簡資仁井以旱災請  
始知塘堰之利弗徧于西川而山田沙壤弗可五日無  
雨也爰奉撫按臺察憂民之心祈雨之檄而致禱焉始

也禱于郡之神祠未雨也再承藩檄竭誠躬禱雨至而雨至未足也乃建壇壝躬承祈請至則東嶺鼓日西郊布陰三農鼓號萬井生欣將謂神應揮霍不疾而行矣夫何亢魃恣虐驕陽肆兇赤墊彌望黃塵蔽穹各每有徵變豈無從民心汹汹其測終此流亡之必至而凡司民者不容不忉忉也今茲齋誠特與神誓其若天皇命來牧茲土于茲八越月矣敢有敗政奸貪墮業不職神其殛之以安西川之民慎毋寬敗政之誅而西川也如或不然而猶不鑒誠懼祈雨之施則當墟神之宮撤神之享更易神之名位以爲不克奉天司民



之戒神其鑒之敢告

南瀆告文

天者民之司命也命于天而同乎民山川嶽瀆其神也  
被其靈享一方作鎮千里鼓風雷若暘雨聰明昭鑒禦  
災捍苦民實賴焉所以祀事永永而人心具瞻者匪瀆  
與侮也夫何尊神萃南瀆之靈爲西川之衛視下民之  
厄而弗援忍斯甚矣享當職之禱而弗鑒昧孰多焉昧  
而弗鑒失位天之職忍而弗援深戕民之辜忍而戕民  
天必譴黜豈足膺百世之仰而爲全蜀之鎮哉某等奉  
天子命來守茲土顧昔之旱乃弗忍民之窮而皇皇焉

特茲齋誠并用虔告神其由命皇天赫厥靈響雲行  
雨施品物得以生成轉災爲祥人民不終溝壑則神之  
所以爲神者豈不光且大哉威靈與之無窮矣敢告

謝雨文

靈雨既零神貺攸與興我禾苗穀我士女幾開者先後  
澤覃溥報以致祈鑒此明醑

又

密雲西郊靈雨東疇精雖上通澤未下流感茲神貺用  
藉天休鑒我明水尚冀大周以蘇蜀川以上有秋

遷蜀鄉賢名宦神主文

士之生也育于鄉而成于學逮其出而仕也勲立行修  
表忠宣又而祀于學焉禮也成都之學以享 吾夫子  
者墻高宮廣不爲不弘且大也而鄉賢祠宇則僻焉隘  
焉弗敢以他祠之故而貶 吾夫子之官也且以名宦  
附焉非禮也二祀賁興展拜無所某忝牧茲土恒擇地  
于學宮未得也乃以大益書院副于學宮棲止先賢游  
息多士左右隙地規制頗弘爰作新祠用妥神貺今茲  
仲春禮應舉祀先期遷主虔告于神維神其右之

溫叅藩璽王憲僉弼劉宗伯瑞萬文康安進鄉賢文  
井絳儲精爲邦之楨締彼德猷樹茲勲聲於昭遺音鄉

評孔云弗顓所棲胡安厥靈乃作新廟群主就裡欽我  
三公儀刑是承爰及文康人亡地存附公于祠公神以  
寧奕葉鄉賢後先明明於千萬年英爽如生

鄉賢名宦祝文

岷峨紹祥川峽儲靈表忠宣徽千古如生  
精誠格天勲華蓋世澤流西川後先相繼

瘞枯骨文

萬物資始於天兮咸於土而歸根矧靈萬物而爲人兮  
時反終而還真顧不能觀化而遐舉兮曾得脫屣而上  
征是死者人所不免而瘞埋之禮亦求以盡夫人心豈

有若而等暴形骸之可泚依魂魄之無門者耶嗚呼哀哉而等或異鄉之無歸兮或孤隻而無親投諸野而弗顧兮乃隕首而斃軀縱或罹罪罟于憲辟兮一死已足以償其辜胡爲哀尸於山原兮來啜食於狐蠅於乎哀哉木葉落兮風淒草根白兮霜清翳陰雲兮黯黯蒙苦霧兮岑岑我司牧者感傷及此不容不爲之酸辛於焉剝木爲棺兮啓土而坑函汝之骨兮掩汝之形庶永安于窀穸兮眠長夜之沉沉不俾土及其膚兮不終委積于榛荆容或生意之萌兮將有俟於陽春酌清觴兮酒涕惻林鳥兮悲鳴而魂其有知兮格我司牧者之微忱

東館告文

君子之居處也大業外以表治中以宅心不可苟焉依  
棲傾眎雜慮况我郡長式寄專城南面臨民瞻眎攸繫  
而可須臾自鄙以孤一朝廷首重司牧之意哉爰以憲  
臺東隅小建垣宇僅蔽風雨固未足爲尊大之規而嚮  
止南明亦以自全表式之地今茲吉辰肇木啓土溥具  
牲醴用申虔告惟神其右之

告本府及四川城隍文

士民勒石神前不十年漸入  
絕嗣腹裂而死神其明徵哉

維神受命于天作鎮茲土聰明昭鑒厥施孔溥繄福善  
而禍淫何獨于我乎乖忤也乃謹齋誠焚香殺牲酌酒

叩神之聰而矢之以心焉某幼也愚蒙長蠢而直初以進士工官是職六年不調三厥攸救皆工政不費而民財是恤既而出守成都省煩務劇鞠躬盡瘁不遑寢食心無微而不慎事雖小而必飭後先在任三四年來官吏辯復者歲無虛日死罪生活者數不止百中間或憫人前程而輕爲辯理或憐人生命而重爾姑息以及一言之誤一事之失容或有之若曾受人一文之贓聽人一面之囑或欺上罔下殘民誤國或逸樂耽淹墮業失職是皆玷官之箴而損已之德神明鑒察之下幽有冥誅明有顯殛如其不然而貪官挾賄妄肆排抵混淆黑

白顛倒臧否以致舉核不公中傷善類俾其剝心瀝血  
呼天叩地之莫可旣也神亦鑒之毋寬奸貪之誅以償  
排抵之罪謹具牲醴以享以誓我心我神百千萬世

廣西方伯孝廉夏宗禹公附揚清祠告文

夫士君子生也有于里奮于學德成行修薦于天子  
之廷言聽道行勛立名著表表史冊間照耀閭里炳若  
日星身雖淪沒而鄉國攸予則學有槩祠里有專祀所  
以表忠宣又用妥神棲禮也亦制也吾里先達夏宗禹  
公所謂德成行修勛立名著者昔也孝廉專祠今也揚  
清合享固孫枝公姓與墜起廢之至情而寔當道名公



崇德景行之盛舉也某等叨生公里慨晚于公弗獲登  
公之堂聆公之教獲覽公碑銘傳記郡誌題奏諸篇公  
之懿矩峻業示我里人于百世上下能不昭昭矣乎又  
何俟眎履覲範而後知公哉尸祝載師典刑具在醑酒  
陳辭以鑒某尚友之私敢告

祭封樹史李公文春山元之父

君子有發矚而不見其及物之施出囊而不見其利用  
之具者豈鋒之未銛穎之未銳然歟上有所依下有所  
承有不待身任天下之責而後可爲天下之人矣古之  
人堂構播穫爰屬嗣服則後之因吾底法克肯厥任者  
亦不殊于已出也奚必躬親拮据而後爲勤家身先篤  
棐而後爲謀國哉於庫公之音容杳矣習公之行弗可  
以事功之弗于已出少之也公其棲真林臯而馳神巖  
廊者歟蜚聲李桃而困志荊棘者歟其韞子方之風裁  
而不爲西都之清虛者歟領叔度之襟期而不爲南朝

之曠達者歟於虛世道之趨也甚矣塵之同者怯于立  
汲之靡者慳于守及其落落自得峢峢自持者亮弗與  
世相合而克行乃志也公之不遇也亦以此哉若其直  
毅之聲見于論議激昂之氣形于感施則其所以詔後  
人淑末世者又可想也公豈不遇者哉麟振鳳雖志得  
行矣貳室詞垣學有徵矣豸冠龍章恩與崇矣白髮青  
山享有終矣庸詎知不遇之遇而死其猶生也其等萍  
水淮漬結知令子壽公方殷悲公詎已北風淒其雨雪  
滂止哀如其來歆此明水

祭晉山劉太卿文

諱穆字敬之  
春官座注也

於乎先生汾水之英 明朝之輔性以德醇心偕貌古  
鎮夷襟期弘深韻宇史館棲遲諫垣容與脩辭翼謨陳  
編悟主青瑣夔龍秩宗紹武太牧南遷天駟馴舉

帝眷方隆士論攸予匪據其華曰崇其祐其封非李桃  
也手甄取惟虞孤我衡司之明而未克酬百年知己之  
遇也胡爲膏肓遽爾迎訃淮南之陰湖西之潁秋風淒  
其木葉下叶白露凝兮鴈方徂祖帳兮空煙靈衣襲兮  
芳土鶴旒鬱兮委遲驚總駕兮愁苦脩吉祖兮歸歸憶  
感知兮辛楚壘湘沅兮悲風鑒明永兮惟旅

祭醇菴楊封君文菴湖通叅之父

繫公之德利而直簡而不削清古之直和木之質復重  
而報積惟善是力爲鄉邦之式繫公之榮顯而清無將  
無迎 封章煌煌繡衣明明氣揚而志行維子是徵爲  
父道之成繫公之休固而周不滯不留杖屨徜徉桑榆  
優游山崇而川流八十一秋爲安期之儔繫公之風惠  
而通維止維中西莊盤盤南湖溶溶興頑而啓壟流波  
無窮爲百世之崇

祭封廷尉王公文少山宗濬之父

人惟有鬱而弗信者發必昌積而弗湮者享必長豈報  
于發而良于享哉理之恒耳已故弗闕而華者瘁之因

也弗基而崇者隳之繇也緊惟我公素心偉質芹泮儲  
英巖廊遺特惟德惟衷惟晦而明鳳毛翩翩螽斯振振  
積德百年耿光今日雙壁煥祥二難繼陟伯尉司理仲  
署含香惟國之禎惟家之光有龍斯章有豸斯服公貴  
惟子公子惟穀公解世紛結志區外林棲引恬國爵屏  
貴流波是融末景乃昭逐化于茲心焉陶陶某等誼敦  
年家無僚仲子萍水淮濱悵懷千里仲也春歸黽勉以  
言君皇之徵哀恫之占僉未識公瞻公遐躅何以慟公  
民之無祿

祭梅菴廬封君文抑齋蕙之父

鄉評之良不于其爵于其齒世德之難不于其躬于其  
子若我公者可恒有哉而顧弗之慨耶噫惟我公紹緒  
涿郡養素淮濱處言逾默哀無寡群一命是膺裳服孔  
云授濬漕渠齊劬偕辛苟有利于公官吾何卹乎私禁  
若乃瞻嚴惟愉承慈以順逮下恩斯臨朋以信直聲表  
閭義方啓胤聯跼齊輝崇範育雋通籍金門收名紫禁  
實一德之祚靈而千祥之駢慶也于時鷺刺蟠胷龍  
章綴躬司馬官聯穹階宗封旣而北署西轡天方眷隆  
公居恬然辭榮畏通盈不求瞻約豈願豐賓飲于鄉際  
言于公匪際弗賓深棲屏容豈其性不索偶而趣不求

同者耶嗚呼哀哉靈衣襲兮空堂穢有遺墨兮室有耿  
光眄若子兮悲以傷眇愁予兮徬徨嗚呼哀哉白露漙  
兮芳杜木慘落兮歲云暮飛丹旆兮揚揚挽素車兮步  
步鑒楚夢兮松風神荒忽兮延佇

祭陳茶丘祖母郁氏文

緊閨宮之遠烈兮藉纘不之遐慶彼延譽于孫子兮占  
祖德之維昌昔洵懿而允貞兮孰有逾于安人之孔良  
羌修姱而葆恡兮揭女中之琳琅始協蓀于蘋藻兮肅  
屏帷之是坊相垣軒乃知所規兮揆明星之煌煌儉弗  
猷夫茹蘆兮慈每逮乎獲臧何柏舟之興嘅兮肯羞顏



于共姜服勤誨殷以自給兮端有望于二孤之翱翔繩  
繩蟄蟄兮澤無央彼孫枝兮復騫以揚千里騰達兮騏  
駟康莊九苞絢彩兮鸞鶴于陽爲璋爲圭兮爲龍爲光  
余泥報兮樂方將壽彼安人兮式燕且康胡爲乎西風  
吹華堂涼露摧蘭芳雲輶霞帔兮搖曳九荒悼哀孫之  
罔極兮思寒泉而徬徨托楚夢兮盼嚮靈來假兮洋洋  
祭羅山邵汝礪文

維歲癸巳鴈尾之次曰予署此清泉之浹維甌維瓠維  
天子命閱彼陶人曰維其政遵彼河濱河流融融有舸  
者來有旆斯從其旆維何爲我宗士我宗振振稽山越

元世有哲人我祖維親逮今二宗伯仲  
纂纂我宗汝鴈  
華國之器玉色豈頌金聲藻制聖王紹  
基天闕日輝  
秋風扶搖鵬騫  
鷁飛學海探源詞林脫穎十載燕  
關風  
雲冷辛卯之秋過我淮陰羈東妻孥焚舟計殷垂翅  
神京棲遲帝城佔畢縈紆愁懷旅增肺病相如忽爾  
長遊學不益壽彼蒼何伎皎皎秋輝載盈載微兄胡不  
返孤魂疇依我作此誄天地一指靈其有知眎此明水  
祭兩湖福先生文

於虛先生而遽止是耶胡荆和之玉琢而不售庖丁之  
研發而不試耶果天其限量之而俾先生違厥終志止

未克復先氏下弗昌厥胤耶於乎哀哉緬惟先生少年  
頻異粵自己酉之科已揚聲于赤幟自謂龍駒之騰襄  
將燬燿于燕市迄維甲子某年十二乃師先生乃授文  
字雖卒業無緣而蒙養有地先生方以內艱苦塊之遭  
而宿嬰瘋癲之自既而永終孝思潛寃易理談經真能  
說天詠歌自爾泣鬼三十年白首之功始翔風于已卯  
之歲于時詠偕南宮輓馴北指奇嶺謬莫或攸駛某  
獲偕試于癸未之春而思攀先生之逸軌夫何天不佑  
某忽作雙肢匪屈而不伸口弗箝而莫語此醫書痿  
痺之疾必氣屬而自舉之某乃就焉于于訊焉國圉延

醫無良弗藥何愈沉病于乙酉之春竟癸巳秋而長計也於乎先生而遽正是耶昔人謂李長吉天才不凡夢帝請記白玉樓遽爾仙逝至公名尚耿耿先生年踰六十學淑後人可謂通也已亦可謂壽也已九淵有靈能不少慰矣乎於乎哀哉

祭鹿峯張別駕文

嗚呼天下之士有遇而不遇不遇而遇君子或咎諸數而終歸之天也何也福善禍淫天道之恒而人之窮通得喪壽夭則皆適然之數天無心也亦何意必于間哉若其生前之行死後之名碩人長者題品無貶辭惻悼

不釋口弗以窮通得喪壽夭之故殊焉茲是天道之定而數命弗與也於惟先生秦隴之英助司國校斯道主盟乃判西川視篆載明四國之刑下民之楨薦剡登嘉大夫是膺於惟先生其亦遇矣惜也年未登壽官僅剡州才未竟施德靡大醕令人扼腕流涕撫膺太息而謂方期嚮用遽爾仙遊先生曾得大遇否乎然而開衾歸金蓋積事定生無顯稱沒有遺愧先生尚克啓我撫巡諸老一則曰張某存日剡著清名以後不得妄引爲例一則曰張某生前清苦自甘相應從厚優卹旌言用光鑑賻崇及朋儕貯哀士民哀戚先生雖死且不死矣不

遇而遇天乎于人何尤某等歡顏同寅執手永別蜀鳥  
啼紅隴雲飛白萬里一觴寫此悲切

祭犀浦張方伯文

嗚惟先生其錦江之精犀浦之靈伯仲降生迥出塵倫  
耶其亦江流歸源浦雲還山一昔風旆遽反其真耶胡  
上林花鳥後先乘春耶又胡神遊仙逝相繼沉淪耶蓋  
其孝友孤介出于天性不忍相違而樂相殉耳予自己  
未之冬來守茲土先生已斷象輶之命矣在冉昔月  
踟躕草堂予始就訊焉先生泣而曰濯江我兄適爾抱  
病肉骨情殷豈曰遽命爾是飲藥指歎之親先生之心

無恨矣予乃勸相先生戒往數年驪珠水南唐貴自是  
病肺漸深而乞骸再上掛冠西歸移舟北向予以入  
覲東游相遭年武陽之濱予艤而眎之見其容盡瘁而  
言有章目已瞠而心尚爽曰噫噫先生其止是耶乃命  
舟人兼程力至抵家及宿盍焉長逝嗚惟先生年過半  
百彭殤贅矣辭躋轄左趙孟貴矣歸于正寢弗死于道  
路矣似續有人曰匪果羸之負矣手足全歸應于泉下  
一大慰矣某敬用明水酌焉盼嚮并具坊貲以復前狀  
先生其右之

祭北屏惠憲副文

維公亢宗顯名振德表世時行乃止不滯厥志昔在冲  
年揚干帝畿聯標魁次大對聲蜚服恭下朝筮  
仕維訊維刑維辟曰欽與慎雅重中朝遜膚外遷兩  
守雄邦旌列表賢平盧嚴明宣寧詳審循吏之推去思  
之引擢憲洪都百度用貞淮南寢謀桃源底平劉踰強  
仕解組謝事東阡載耜西許攸蒔香山舊會洛社新盟  
不履公庭曰公是程公自歸田垂三十年矍鑠康強天  
人地仙一疾不起令終有始繫公之休繫公之社典刑  
日非鄉邦疇依山斗歸如公其來歸

祭一山墓薄文



鳴維我公老于力學而簿尉是膺命之弗而遇也廉于  
守官而弗禮于上數之弗而偶也勇于活民而弗嗣乃  
後天之弗而亮也然且客死海邦千里歸塋官長陳銘  
士民設像則其實恭之推仁明之感又不可誣也而何  
亮于而官禍于而身若是乎其慘也雖然恩被東人名  
在鄉土通塞亨否于公何與今也東歸視于湖南水月  
風簷于公是湛某等兩姓姻宗十年交誼于公之兄于  
公之弟酌此明水于公之依公其來歆以寫我私

祭張兩山祐父順菴文

於惟先生儉不腴易壽以德齒誠孝自天燕貽有子儼

冠服之恩光眎脩遐之遺履某等或締深段某等或交聯  
橋梓痛善人之云亡慨流波之日靡敬祖道以陳詞神  
洋洋其來止

祭虛巖傳給舍毋姚孺人文

繫坤元之資生兮繫品物之亨兮繫嗣胤之肇興兮繫  
毋德之貞兮繫荆與榛疇與評兮而廼梗楠豫章之莫  
與京兮繫知清廟之構之軒閼兮抑知夫扶輿之精兮  
拓梁棟而崢嶸兮於呼噫嘻登名天都家之楨兮毋孺  
人之程兮均田海邦民之孚兮毋孺人之繩兮抗言  
帝廷國之楨兮毋孺人之衡兮通兮達兮胡足以乎毋

孺人之情兮而惟百歲兮同穴思以終未亡人之盟兮  
於乎噫嘻考德錫類恩命臻兮龍章鳳儀庶有徵兮胡  
天不憖遺式觀毋孺人之榮兮曰苦而節靜而正兮敬  
有侯夫彤管之明明兮於乎噫嘻

祭竹坡李叅戎文

憲憲明靈天台之英皇家之楨孰云武弁毛詩左傳以  
莫不貫孰云虎臣洪範休徵以莫不精孰云主帥軍士  
病瘁醫藥以利孰云世官囊無遺錢慷慨則然視聞于  
浙旁千裁決靡不愉悅操牒陳判發藻流翰繫公之玩  
雅歌投壺博塞歡娛繫公之都三都詞賦四海標度繫

公之具豐標王潔澡志蘭茁繫公之傑武畧文思銘言  
在茲以寫哀辭

奠豐村配王孺人文

繫夫人之重所感也必有所自而其感之之深也則必  
有所推何也感者人之動也兩相與則感感之弗以道  
蔽也已其得靡悔而充有終哉夫惟相感以貞相與以  
道故感而推之内外左右無乎不感則凡吉凶禍福利  
害休戚每相關切不啻身之所遭茲固天下信屈往來  
感通之理而某之感我豐村公爰悼孺人之深且至者  
無自而然哉某初與公爲諸生同升時勤儉主饋耕織

自任已稔孺人之賢矣及公簪筆中朝行駢蜀道職  
思風紀加志揚激無內顧之煩者益占孺人之助之閑  
夫何其孱劣不類盡瘁西川豈寔承役于公匪私于升  
受知于公弗蔽于鄉而公方且精核審察肆薦崇獎直  
欲拔擢峻舉厄于制而未由遷也既而水炭分懷風波  
駭自禍機莫測坑塹就深而公加察益信殫論詳辨且  
謂行藝如何操履如何更欲拯援而置之生全也噫嘻  
知己之遭圖報未緣而屋烏之思棄梓之瞻益復耿耿  
胡淑媛之云亡增匪人之慨嘆其能不爲公扼腕流涕  
而重有感于重泉也

祭松月都蘭江親家文

於虞世之爲將者鋒刃矢石奮百戰而成名較之仁  
忠信續五世之遺榮者固安危常變之不可齊何莫而  
非智勇才力之所經營於維我公湖山之精承家節鉞  
紹武簪纓年方茂而變豹類卽脫而遷鶯總漕儲于

京國勅戒備乎戎兵遇克寇而授首攝逆宦而底寧公  
真一方之保障而爲兩浙之干城者乎然且急流卽若  
水之高明哲得留侯之貞徜徉林壑二十餘齡松風蘿  
月鵲鷺鴻冥世網莫得而嬰也爐中火候鼎內丹成鉞  
飛未逸超然上征公之仙遊猶生也慙予猶子爲公之

甥百年姻好二姓宗盟莫能已于情也有殺在俎有酒  
在觥公其來歆于公之瑩庶以將明誠也

祭龍谷劉先生爲一厓年丈尊君文

於惟先生西川偉士命世雄才吾道正氣時寡和而靡  
儔礪幾發而不利乃入貢于天子之廷老益堅其所  
志振教鐸于貴陽儼蘇湖之規致晉輔導乎宗藩惟  
道義之是肆先生方且謙恭以孚容與乃遂賓于王  
家匪曰小試言出諸衷匪曰文藝美國體之通明胡冀  
生之可企帝敷錫之龍章顧逡巡而引避泛花潭之  
輕橈弭錦城之芳轡真陸地之人仙雲衢之高翅也而

乃令子夙成廟堂遠器美無弗彰盛乃可繼先後吾杭  
風裁卓異毒草殫除佳禾攸時民胥以懷吏罔弗畏撥  
夫慶澤之源于我公平錫類正宜其末享遐齡爲國之  
瑞胡一疾之告終忽萬里而訃至豈惟孝子之悲而第  
等或切年悰或深治誼者莫不唏洟而慨涕也天平何  
尤千古如寄臨風陳詞鑒此誠意

祭毅軒王公文

世之聯姻締婚結好秦晉葭莩方盟松蘿未施者于凡  
吉凶慶賄之臨不過豐幣腆儀陳情申款燕贖往來漫  
無欣慨則亦猶夫恒焉耳已其有聞訃而號臨喪而哀



如心之摧如膚之割唏噓涕洟而痛莫可支者非其誼  
契之深知與之極情均肉骨義重死生而肯爲是過情  
哉某自嘉靖辛巳徙居公里去公第不二百武交于公  
冢嗣中書君日夕得側公辱公教言世態物情家政時  
務如老吏之有斷按種種不少置一或事之弗衷人之  
匪良者直而啐之如拂吾膺而莫吾讓也人以教軒稱  
之丁亥以先宜人故制歸湖南先時中書君內與余內  
人各有娠敦好指腹余果得子棠生癸巳始納聘焉公  
視吾兒每稱賞曰忠厚端謹吾門佳壻也相與日益親  
而公之行義余日益信余南北過吳門館公必倒屣接

轄燕語信宿出方物而推評之如入猗頓之室珍玩雜  
陳而目不得瞬也勑二三孫子乞余指畫鉛槧媿無所  
益公骨肉之愛則踰平生焉壬寅余漫爲姑蘇遊館于  
公及旬燕笑間輒以黃白術自騁鉛龍汞虎若其所詣  
真有白日飛仙之想而百歲不足侈也胡不五越月遽  
爾昇仙乎嗚呼是可以恒嘗戚里漫視之莫余悲耶亦  
豈以婚姻之故漫爲之悲耶公之行義余概于狀茲莫  
余贅也發引有期薤歌在道陳牀荐酒言以將之匪飾  
以文也公尚其歆哉

祭丹泉楊僉憲洎毋太宜人室許宜人文

嗚呼悲夫世曾有如丹泉之邁種脫穎早發弘設之特  
且異者乎抑曾有如丹泉之同牢偕死亡身及親之酷  
且毒者乎天道冥冥渺不可測所可測者人之心物之  
理興廢開落事偶不齊而進退絀信數寔有定則今日  
多變之作其果定而未定之天平丹泉端毅凝重卓犖  
不羣要其所自太宜人之成之也居多而內助之深許  
宜人之賢亦不可少今日母子夫婦先後淪沒乃其所  
安所謂含笑入地者此也而顧重爲之悲耶且而翁矍  
鑠二子竒穎他日褒封之典爰及三世而天始大定  
矣又可重爲之悲耶惜也朱鳳威華文鳳委翳大厦傾

危其誰倚毗蒿里歌終三喪載師凡我姻舊能不之悲  
崇穀于俎有酒盈卮神其來依以寫我私

祭陳冲谷毋太宜人文

於維宜人維婦之則維母之範考德允貞封誥無忝  
病且廢而益勤養雖腴而能儉相夫敦睦而黽勉自于  
訓子夙成而名位無玷是宜儼象服之加而沐龍光之  
湛也方百歲以爲期應十錫而未斬胡夢遊西池而遽  
爾大漸俾遊子奔號以歸而爲之姻里者亦孰不酸  
而第揜玄酒就醑明旌載檢靈其來而鑒此哀烈

祭許北門毋姬孺人文

今古同年卓有兄弟至誼則凡爲之子若孫者咸曰通  
家世誼矧夫分均瞻依恩同罔極者于凡生死休戚吉  
凶慶吊可若是忽乎加之同邑之親二十五年之故締  
交結好之無虛日親之壽履貞度懿行芳趾稔在心目  
者乎是不能不俯靈輻爲之涕洟也曩歲壬午省庠薦  
于鄉者僅四人某與陳子克昌楊子祐孺人季子鏞也  
陳子與余幸第丙戌楊子第巳丑許子至辛丑始對  
大廷余四人者無留良焉幸也已中間二十餘年凡一  
上下比關必詣許予許子且堅志銳意不以屢困移乃  
心必得詣拜孺人孺人言論質直動止朴古一無愠容

既而許子出宰大邑祿養方勤而孺人居守衡門甘心  
韋素惟以憂國愛民爲訓亦無喜顏嗚呼此真松筠澹  
泊不以寒暑改柯金石蟻蝟不以冰炭易質者也夫何  
踰九望百奄爾仙逝堂背淒其萱花萎瘳驚輦輿猶驚  
總漚噫凡我同胞能不況瘁他日封諡九天慰及百  
世則孺人者死且不死矣靈其有知鑒此精意

祭翁冶山毋周宜人文

嗚呼宜人胡爲乎篤生元嗣方大顯設而遽爾仙逝耶  
又胡爲乎鍾愛少子相依爲命而痛甘殞墜耶胡登享  
我天朝之龍函鳳章十錫未艾而竟止是耶抑胡弗

念東泉翁稀年皓首偕老百歲而忍訣別永棄耶嗚呼  
天平人莫與致千里奔哀瘞厥元嗣懿行明明昭哉史  
志彤管載師俟諸百世某等執紼庭下乃作楚些而爲  
之辭曰朔風淒其丹旄颺些薤露歌終鷺輦攸行些  
鸞語鋪敦鬱有耿光些象服陳斯里邑塋些徽彼宜人  
死且不亡些肆牲陳辭禮用將些嗚呼宜人來格洋洋些

祭王太母沈孺人文

於嗟悲夫予于太孺人之仙逝不能無所感而重爲之  
悲何也太孺人之與我毅軒太翁之爲室家也際熙洽  
之昔紹豐亨之業開祥衍慶種善集和以致玉樹盈庭

金之滿室而高年偕老白首齊肩直福德之兼隆而人  
世所罕儷也迄茲大命終絕率爾奄棄不三越載先後  
蓋棺不惟偕死偕生亦且同室同穴夫復何憾而顧爲  
之悲所可悲者特悲我蓉峰親丈之身遭橫逆而心切  
毋氏不以千里爲遠而叩首神州不以宗祀爲重而乞  
身代死太孺人者亦復不以疽發爲痛而痛子遠行不  
以垂死爲憂而憂在家室卒至太孺人含酸泉世而蓉  
峰抱恨終天爲可悲耳若夫懿行淑德人誦家傳無足  
替者發引有期薤歌載道情牽肉骨詞以侑觴率男棠  
生哭奠中堂以識所感於虔悲夫



祭岳母丘孺人文

古人謂子壻有半子之義信然乎哉自夫勲華作而館甥之禮隆漢唐替而尚主之風靡迨茲淑季益復驕抗甚至不字不名而直待之以東坦稱之曰嬌客儼之五服之親多所不類及其歿也而喪服之制復從末簡是果可若是忽乎而不子姓之若哉或者禮遇有厚薄締好有隆殺故其疇報之也因之爾殊哉是未可以槩觀也於乎曾有如我岳母者育女之慝不殊夫子而其等之感上同乎親中間乘龍射雀之遭雖有先後之分而其齊眉敵體之賢則無彼此之別今日不幸求訣而仙

逝也限于禮紐于制而弗克以申乎情所謂雖欲厚之  
不可得者能不撫膺流涕而重爲之悲耶謹具牲醴哀  
以侑觴惟靈其鑒之

祭竹垞許先生文

古人有通家世講之好者情均肉骨義重死生千古凶  
慶吊靡不加之意焉而况數十年棄梓之依千百世蔭  
莘之倚其誼與舊之深至姻與契之周洽更復何如而  
顧弗爲之眷眷耶某也髫年逮識人事先大父守恒翁  
托居廉訪司之側乃與先生厥考樂菴公密邇通家先  
大夫大峰翁友最善者亦莫先生若也同庠聯業策名

陳規而校閱甄衡聲華相望深維結好允矣締姻辱余  
弱妹之親儼厥先生中子百年一息回首惘然先生乃  
以介特剛方之性博文多識之學復古崇正之心嫉惡  
黜邪之見具在心目者表表也而竟三仕令尹弗寃厥  
施惜也已所可慰者垂老林泉意見卓越續緝帝王  
之系千古可宗方百歲以爲期胡溘然而長逝撫今懷  
昔能不之悲臨風陳詞以哀以誄先生有靈鑒此明水  
奠亡友弁山陳節推文

公羊傳謂同門爲朋合志爲友古人所以重同門者以  
其問學淵源不殊所自而世講至誼千古同情矧夫志

合心孚如我亡友弁山者哉弁山冲年秀拔穎異與從  
兄冲谷後先師余先大夫大峰翁授以醮學已夙知其  
大受之才不凡之器而某過庭詩禮式切瞻承諸凡同  
門海內指未可屈如冲谷弁山則又振衣中之杰出者  
也冲谷與余幸聯科第弁山蜚聲藝院祠舉鄉闈先大  
夫指授之良有不誣者無何不肖叨守成都制歸不三  
年弁山銓除成都司理精白吏治聲華燁然成都士民  
聿動去思之感將弁不肖者亦懸情焉勒石乞言聯芳  
奮起向匪弁山繼美則不肖淪沒澌盡又矣尚復有今  
日哉方期握手林泉以話同心之好胡爲溘然遽爾仙

逝感今懷昔寧弗之哀

祭 誥封宜人亡室江氏文

嘉靖念九年六月五日爲我亡室宜人垂絕之第七日也汝夫某敬以潔牲庶品率男棠生等哭奠柩前拭淚而爲之詞曰嗚呼痛心孰謂我宜人之賢而遽止是耶我宜人居常不予信不自以爲疾而竟至是耶年不逮壽封僅再錫幽明異途長逝求隔徒令我迎醫請禱之不暇顧欲以人力之堅定藥餌之效靈謂可奪天之數而必壽之益也矧我年來蹇難灾屯當今剝復之餘不應更至此極何奪汝之遽而厄我之慘耶嗚呼天乎汝

性公恕仁慈百爾過厚他未暇舉也撫其子若掌上珠而未克見其喪名愛其孫如心頭氣而今方任孩稚今雖呱呱作啼泣聲亦謂夢寐或見汝其天性感愛固如此未嘗後時爲立能識汝顏面否也興言及此能弗之哀首七甫臨益深痛悼陳詞致奠以寫我私

### 三七祭文

日月不居倏爾三七與汝愛息棠生朝夕寢食于汝柩前嘻噫悼念時或涕洟汝其亮我三十四年相與之心乎有懷耿耿日益怆瘁欲述汝行勒汝銘寫汝篤于嗣續宜于室家以至不私一錢人帛不遺我片紙展生之

美每一措念酸痛哽咽弗克成句且念汝先見剗切時  
復種種汝寧不知乎其有知寧不顯厥靈異俾我得全  
厚汝之心乎毋遺汝歿後之憾也

小祥祭文

處世若大夢信其然乎我宜人棄我閨闈而夢遊仙都  
也忽已經歲而我傷悼慘怛昏昏然日在醉夢間杳不  
知其所從上年十二月間率汝男躬治喪死瘞汝形魄  
于玉泉山之陽是猶以蕉覆鹿于隍中者心神恍惚若  
果夢耶匪夢耶歸而夢汝言笑坐卧撫恤孫子如居常  
然則謂汝之瘞于泉山者殆真夢耳覺來泣下如注更

不識汝之夢何自而覺耶其長眠不知曉耶悼可知矣  
汝天夙嬰痼疾幸已平復汝孫近目種痘亦荷保全固  
知汝之靈訶護所及亦將謂汝必皇皇然有不能旦夕  
忘于懷者第汝男棠生守汝之制弗克與壬子塲屋之  
選汝其陰扶默祐俾之矢心問學銳意進取終獲有濟  
以副汝蚤夜祈望之心實汝自能長進之說則其爲夢  
也將觀鈞天而聽廣樂矣能不含笑地下乎噫與傷哉  
祭通議大夫工部右侍郎瑞石江公文

於虜世曷有如我公者耶世之人善蓋一鄉榮膺三命  
光裕後先終始惟正亦難矣曷有能如我公者耶長厚



之德孚洽人心華國之文擒魁鄉會富有其身矣而且  
榮被所親 恩逮所生在位而望日隆家食而譽益敦  
惠施于人而弗予矜人有所忤而弗與爭弗疾而終考  
終明明世曷有如我公者耶猶未也櫟雅賦性追古遺  
民金石敷言上婉典墳魁學家傳子姓繩繩 封贈中  
錫千古殊恩 蔭及猶子因心乃徵生前褒嘉歿後考  
謚士林推重俎豆明禋臺章具 題 卹典攸陳則公  
雖死殆百世而猶生也世曷有如我公者耶而且年踰  
古稀秩亞冬卿膝前濟美拭目光榮則公之德公之福  
公之壽將與吳山瑞石日頽頽而崢嶸也而顧爲之嘻

吁涕洟莫或釋然者直以 朝堂萎一碩輔浙土隕一  
偉人某等失一楷範爲可酸辛耳於悽悲夫

### 祭松泉鍾公文

嗚呼我公胡知醜虜鋒鏖之臨勇于避世而昇仙耶抑  
胡弗知孫子登榮之及乃弗自憊而少延耶胡生平自  
好仗義樂施凡姻舊婚喪慶吊之禮靡不崇腆靡不華  
飾而顧身後草草蓋棺不七日而遽爾告遷耶身闕闕  
而心古道每每急人之難解人之紛息人之爭弗自靳  
惜胡爲遭寇變難蕩覆室廬手澤斬盡誰爲解息誰與  
周旋耶公形不長而貌則揚有渠其首有虬其髯此卅

青所易狀者茲為寇攘而神其祀矣若其風月襟懷江湖性度感必于德報視所施則人人繫在心目風雪中斷橋下跨驢背而逍遙者此公之真像也誰得而棄捐耶雖然剝之盡者復之基否之極者泰之反古今天相吉人物有定理祝融回祿地開必先我公手澤可斬而福澤不可斬則為之孫子者自將騰達天衢奮庸帝載光復祖業在所必然世曾有終剝不復卒否弗泰者乎三封十錫易彼冠裳此人定之天也某等姻亞之好念及先人休戚之關誼均育翰囊以兵革之故致奠未由茲當歲月一周有懷耿耿崇毅于俎有酒在筵拭淚陳

詞以寫我虔

祭山東左方伯顧六泉文

嗚呼以六泉之德學行誼而遽止是耶胡望隆卿輔年  
甫踰艾楚雲湘月溘爾長逝耶抑胡爲遺厥稚息零丁  
寡弱此離門戶殆莫之支而率爾捐棄耶悠悠蒼天曷  
慘此極凡厥知與疇弗之悲矧予從女伉厥六泉而肉  
骨相依關心休戚不二三載分携告變者寧不扼腕涕  
洟耶能不重孤我弘兄種種屬念哉而今已矣夫復何  
言幸而昭代諸賢銘勒墓石而懿行種種在在可傳  
則死且不朽矣爲六泉者不少慰于九泉耶發引有期

旌歌道路肆牲陳詞有酒在御神其來歆諒我衷悽  
祭旦母孫孺人文 初泉學憲繼母也

粵觀載籍兮母教可紀慨茲末俗兮母賢有幾繼母而  
賢者尤不易得兮母賢而慈者尤世所貴繫太孺人之  
淑兮乃克紹夫前母之遺既賢且慈兮可範可儀匪特  
相夫古昌其宗枋兮更有諸昆而善後裔也稱女紅聖  
饋之精美兮非時匹之可擬也美婦德母道之良有則  
兮殆古姬姜之一揆也信天道之不我誣兮享遐齡於  
未艾也祿養豐隆兮儼封誥之在茲令子敷華國之  
文兮學者仰其宗師南畿之命甫下兮士林之望被

歸孺人胡溘爾奄棄兮計聞而痛莫可支奉靈輶以窆  
藏兮丹旒飄搖而東之鄉郡縉紳胥祖奠于疆郊兮胡  
足以慰孝子之長思聊矢牲而陳詞兮亦以誦賢淑者  
之遺規

祭封承德郎刑部員外梅溪劉公文

於維我公鍾巴江之靈淑兮生而爲聖世之遺黎稟  
淳厖之器度兮賦脩偉偉丰姿左圖右史日相容與兮  
惟哲人之是師揮雲灑霧目得其趣兮夫伊誰之可媲  
徜徉于梅溪之澍兮甘澹泊以爲性也托林臯以終老  
兮當歲寒而愈勁也鄉國眎杖屨之端重兮考祥儼著

龜之珉証也不惟解人之焚皇皇焉如弗及兮亦每急  
人之難不責報而樂爲之聽也是宜有以來多福之綏  
而獲積善之慶也胡爲乎一疾之弗延風萬里而計至  
匪直平川之悲而式遄以行兮某等治辱之深者  
靡不撫膺而涕泗也天乎何尤千古如寄束帛緘詞以  
寫哀意

祭羅母黃孺人文爲麒山監院之母

國以爵尊母以子貴匪據豈華曰惟其類其類惟何燁  
燁其嗣濯纓登朝澄清攬綬兩浙觀風嚙政攸義迄用  
有成爲國之利龍譽乃發絲詩章覃被有淑其儀有

延其祀食報未涯遽爾仙逝計聞霜臺含酸掩涕式過  
其歸母心攸憩某等治辱令子稔厥慈懿展吊未緣就  
紼靡遂玄堂啓扉憲泉衍賁千里陳詞鑒此精意

祭陳繼母楊孺人文兼慰六亭監司

人子以父道爲尊則母之繼者猶夫母繼母以嗣續爲  
念則子之賢也由夫母夫以子之賢由于繼母之成則  
繼母之死也不由母之殞而痛嘔者與弟慨夫世母之  
繼之賢之不可多有也孰如陳母太孺人之賢見念于  
六亭監司而奔計之恐後也是宜 封誥駢臻膺祿養  
而享永壽也胡爲乎西風一夕溘爾僊逝而莫或之咎



也某等忝辱令子後先倚毗憲節市臨士庶攸宜除覯  
靖海羽檄交馳崇功茂烈封拜有期今茲告變恨莫可  
支豈斯民之未幸抑天道之無知感交情之深至念治  
誼之聯遠臨江臯兮悵別瞻蜀道兮陳詞神昭昭兮不  
寧歎萬里之遐思